

卷二

書名 重選唐音大成十四卷附錄一卷 嘉靖五年
刊本
撰者 明 邵天和 輯
卷 卷二
內容分類 集-總集-各代-唐
索書號 集部-總集-51
編號 D7841400

彩色首頁1

[東洋文化研究所漢籍目錄 編號: D7841400](#)

[東洋文化研究所漢籍目錄所藏漢籍善本文影像資料庫 索書號: 集部-總集-51](#)

[漢籍善本文影像資料庫文本重選唐音大成十四卷附錄一卷 嘉靖五年刊本](#)

[版權所有: 東京大學 東洋文化研究所](#)

[使用上的注意事項](#)

重選唐音大成卷之一

宜興邵天和節夫編校

始音

從軍行

楊炯

火照西京心中自不平
牙璋辭鳳闕鐵騎繞龍城
暗凋旗畫風多雜
鼓聲寧為百夫長
勝作一書生

劉生


本六郡年長入三秦
白壁酌知己黃金謝主人
生赤電馬足起紅塵
日莫歌鍾發喧動四隣

紫騮馬

東方文化學院東京研究所

No. 2046







重選唐音大成卷之二

正音一

五言古詩

感遇

陳伯玉

微月生西海幽陽始化昇圓光正東滿陰魄已朝凝
太極生天地三元更廢興至精諒斯在三五誰能徵

其二

蘭若生春夏葺何青青幽獨空林色朱蕤冒紫莖
遲遲白日晚嫋嫋秋風生歲華盡搖落芳意竟何成

宜興縣人節夫編校

其三

深居觀元化，怫然爭朵頤。群動相啖食，利害紛疑疑。
便便夸毗子，榮耀更相持。務光讓天下，商賈競刀錐。
已矣行采芝，萬世同一時。

其四

吾愛鬼谷子，青谿無垢氛。囊括經世道，遺身在白雲。
七雄方龍鬪，天下亂無君。浮雲不足貴，遵養晦時文。
舒之彌宇宙，卷之不盈分。豈徒山水壽，空與麋鹿群。

其五

吾觀龍變化，乃是至陽精。石林何冥密，幽洞無留行。

古之得仙道，信與元化并。玄感非象識，誰能測淪冥。
世人拘目見，酣酒笑天丹。經崑崙，有瑤樹，安得采其英。

其六

臨岐泣世道，天命良悠悠。昔日殷王子，玉馬逐朝周。
寶鼎淪伊穀，瑤臺成古丘。西山傷遺老，東陵有故侯。

其七

幽居觀大運，悠悠念群生。終古代興沒，豪聖莫能爭。
三季淪周赧，七雄滅秦嬴。復聞赤精子，提劍入咸京。
炎光既無象，晉虜復縱橫。堯禹道已昧，昏虐世方行。
豈無當世雄，天道與胡兵。咄咄安可言，時醉而未醒。

仲尼溺東夏伯陽遁西溟大運自古來旅人胡歎哉

其八

蜻蛉遊天地與物本無患飛飛未能止黃雀來相干
穰侯富秦寵金石比交驩出入咸陽裏諸侯莫敢言
寧知山東客激怒秦王肝布衣取卿相千載為辛酸

其九

翡翠巢南海雄雌珠樹林何知美人意嬌愛比黃金
殺身炎州裏委羽玉堂陰綺旒光首飾葳蕤爛錦衾
豈不在遐遠虞羅終見尋多材信為累歎息此珍禽

其十

竭來豪游子勢利禍之門如何蘭膏歇感激自生冤
眾趨明所避時弃道猶存雲泉既已失羅網與誰論
箕山有高節湘水有清源惟應白鷗鳥可與洗心言

鴛鴦篇

飛飛鴛鴦鳥舉翼相蔽虧俱來綠潭裏共向白雲涯
音容相眷戀羽翮兩逶迤蘋萍戲春渚霜霰繞寒池
浦沙連岸淨汀樹拂潭垂年年此遊翫歲歲來追隨
鳳凰起丹穴獨向梧桐枝鴻鴈來紫塞空憶稻梁肥
鳥啼倦求夕鶴鳴傷別離豈若此雙禽飛翻不異林
刷毛清江浦交頸紫山岑文章負奇色和鳴皆好音

聞有鴛鴦綺復有鴛鴦衾持為美人贈品此故交心

修竹篇

龍鐘生南嶽孤翠鬱亭亭峰嶺上崇翠烟雨下微冥
夜聞鶻鼠叫晝聽泉壑聲春風正淡蕩白露已清冷
哀響激金奏密色滋玉英歲寒霜雪苦含彩獨青青
豈不厭凝冽羞比春木榮春木有榮歇此節無凋零
始願與金石終古保堅貞不意伶倫子吹之學鳳鳴
遂偶雲和師張樂近天庭妙曲方千變蕭韶亦九成
信蒙雕琢美常願事仙靈驅馳翠虬駕伊鬱紫鸞笙
結交嬴臺女吟弄昇天行攜手登白日遠遊戲赤城

低昂玄鶴舞斷續彩雲生永隨衆仙去三山遊玉京

秋日還京陝西十里作

薛嗣通

驅車越陝郊北顧臨大河隔河見鄉邑秋風水增波
西登咸陽途日暮憂思多傳巖既鬱紆首山亦嵯峨
操築無昔老宋薇有遺歌客遊既廻換人生知幾何

牧童詞

儲光義

不言牧田遠不道牧陂深所念牛馴擾不亂牧童心
圓笠覆我頂長筴被我襟方將憂暑雨亦以懼寒陰
大牛隱層坂小牛穿近林同類相鼓舞舞觸物成謳吟
取樂須臾間寧問聲與音

采菱詞

濁水菱葉肥清水菱葉鮮義不游濁水志士多苦言
潮沒具區藪潦深雲夢田朝隨北風去暮逐南風旋
浦口多漁家相與邀我船飯稻以終日羨尊將永年
方冬水物窮又欲休山樊盡室相隨從所貴無憂患

野田黃雀行

嘖嘖野田雀不知軀體微閑穿深藪裏爭食復爭飛
窮老一頽舍棗多桑葉稀無棗猶可食無桑何以衣
蕭條空倉暮相引時來歸斜路豈不捷渚田豈不肥
水長路且壞惻惻與心違

效古

東風吹大河河水如倒流河洲塵沙起有若黃雲浮
頽霞燒廣澤洪曜赫高丘野老泣相語無地可蔭休
翰林有客卿獨負蒼生憂中夜起躑躅思欲獻厥謀
君門峻且深跼足空夷猶

雜詩

坏渾亦作混本無象末路多是非達士志寥廓所在能
忘機耕鑿時未至還山聊采薇虎豹對我蹲鸞鶴悽
我飛仙人空中來謂我勿復歸格澤為君駕虹蜺為
君衣西遊崑崙墟可與世人違

田家雜興

春至倉庚鳴薄言向田墅不能自力作罷勉娶隣女
既念生子孫方思廣田圃閑時相顧笑喜悅好禾黍
夜夜登嘯臺南望洞庭渚百草被霜露秋山響砧杵
卻羨故年時中情無所取

其二

衆人恥貧賤相與尚膏腴我情既浩蕩所樂在畋漁
山澤時晦暝歸家暫閑居滿園種葵藿繞屋樹桑榆
禽雀知我閑翔集依我廬所願在優游州縣莫相呼
日與南山老兀然傾一壺

其三

梧桐蔭我門薜荔網我屋超超兩夫婦朝出暮還宿
稼穡既自種牛羊還自牧日旰懶耕鋤登高望川陸
空山足禽獸墟落多喬木白馬誰家兒翩翩相馳逐

其四

貧士養情性不復知憂樂去家行賣畚留滯南陽郭
秋至黍苗黃無人可刈穫孺子朝未飯把竿逐鳥雀
忽見梁將軍乘車出宛洛意氣軼道路光輝滿墟落
安知負薪者啜啜咲輕薄

其五

種桑百餘樹種黍三十畝衣食既有餘時時會賓友
夏來煮米飯秋至菊花酒孺人喜逢迎稚子解趨走
日暮間園裏團團蔭榆柳酌酩乘夜歸涼風吹戶牖
清淺望河漢低昂看北斗數甕猶未開明朝能飲否
其六
田家趨隴畝當晝掩虛關隣里無烟火兒童共幽閑
桔槔懸空圃雞犬滿桑間時來農事隙采藥遊名山
但念所采多不言路險艱人生如蜉蝣一往不可攀
君看西王母千載美容顏

田家即事

滄葉日已長荇花日已滋老農要看此貴不違天時
迎晨起飯牛雙駕耕東菑蚯蚓土中出田鳥隨我飛
群合亂啄噪嗷嗷如道饑我心多惻隱顧此兩傷悲
撥食與田鳥日暮空筐歸親戚更相誚我心終不移

使過彈箏峽作

鳥雀知天雪群飛復群鳴原田無遺粟日暮滿空城
達士憂世務鄙夫念王程晨過彈箏峽馬足凌競行
雙壁隱靈曜莫能知晦明皚皚堅冰白滂滂陰雲平
始信古人言苦節不可貞

藍田山石門精舍

王摩詰

落日山水好漾舟信歸風玩奇不覺遠因以緣源窮
遙愛雲木秀初疑路不同安知清流轉偶與前山通
捨舟理輕策果然愜所適老僧四五人逍遙蔭松柏
朝梵林未曙夜禪山更寂道心及牧童世事問樵客
暝宿長林下焚香卧瑤席澗芳襲人衣山月映石壁
再尋畏迷誤明發更登歷咲謝桃源人花紅復來覲

贈房盧氏瑄

達人無不可忘已愛蒼生豈復小千室絃歌在兩楹
浮人日已歸但坐事農畊桑榆鬱相望邑里多雞鳴
秋山一何淨蒼翠臨寒城視事兼偃卧對書不簪纓

蕭條人吏散鳥雀下空庭鄙夫心所向晚節異平生
將從海嶽居守靜解天刑或可累安邑茅茨君試營

戲贈張五弟諲

吾弟東山時心尚亦何遠日高猶自卧鐘動始能飯
頭上髮未梳牀頭書不卷清川與悠悠空林對偃蹇
青苔石上淨細草松下軟窻外鳥聲閑階前虎心善
徒然萬慮多澹爾大虛緬心知與物平自顧為人淺
對君忽自得浮念不煩遣

宿鄭州

朝與周人辭莫投鄭人宿他鄉絕儔侶孤客親僮僕

宛洛望不見秋霖晦平陸田父草際歸村童雨中牧
主人東臯上時稼繞茅屋蟲思機杼鳴雀喧禾黍熟
明當度京水昨晚猶金谷此去欲何言窮邊徇微祿
觀別者
青青楊柳陌陌上別離人愛子游燕趙高堂有老親
不行無可養行去百憂新切切委兄弟依依向四隣
都門悵飲畢從此謝賓親揮淚逐行侶含悽動征輪
車從望不見時時起行塵余亦辭家者看之淚滿巾

冬日遊覽

步出城東門試騁千里目青山橫蒼林赤日團平陸

渭北走邯鄲關東出函谷秦地萬方會來朝九州牧
雞鳴咸陽市冠蓋相追逐丞相過列侯群公餞光祿
相如方老病獨歸茂陵宿

渭川田家

斜光照墟落窮巷牛羊歸野老念僮僕倚杖候荆扉
雉雊麥苗秀蚕眠桑葉稀田夫荷鋤立相見語依依
即此羨閑逸悵然歌式微

春中田家作

屋上春鳩鳴村邊李花白持斧伐遠楊荷鋤覘泉脉
新燕識舊巢舊人看新曆臨觴忽不御惆悵遠行客

贈劉藍田

籬中犬迎吠出屋候柴扉歲晏輸井稅山村人夜歸
晚田始家食餘布成我衣詎肯無公事煩君問是非

李陵詠

漢家李將軍三代將門子結髮有奇策少年成壯士
長驅塞門兒深入單于壘旌旗列相向簫鼓悲何已
日暮沙漠陸戰聲烟塵裡將令驕虜滅豈獨名王侍
既失大軍援遂嬰窮廬恥少小蒙漢恩何堪坐思此
深衷欲有報投軀未能死引領望子卿非君誰相理

龍泉精舍

孟浩然

亭午聞山鐘起行散愁寂尋林采芝去谷轉松蘿密
旁見精舍開長廊飯僧畢石渠流雪水金子曜霜橘
竹房思舊遊過憇終永日入洞窺石髓傍厓采蜂蜜
日暝辭遠公虎谿相送出

南亭懷辛子

山光忽西落池月漸東上散髮乘夕涼開軒卧閑敞
荷風送香氣竹露滴清響欲取鳴琴彈恨無知音賞
感此懷故人中宵勞夢想

宿業師山房待丁公不至

夕陽度西嶺群壑倏已暝松月生夜涼風泉滿清聽

樵人歸欲盡烟鳥棲初定之子期宿來孤琴候蘿逕

采樵作

采樵入深山山深水重疊橋崩卧槎擁路嶮垂藤接
日落伴將稀山風拂蘿衣長歌負輕榮平野望烟歸
晚泊潯陽望香鑪峰

挂席幾千里名山都未逢泊舟潯陽郭始見香鑪峰
嘗讀遠公傳永懷塵外蹤東林精舍近日暮坐門鐘

峴潭作

石潭傍隈隩沙岸曉黃綠試垂竹竿釣果得槎頭鱸
美人騁金錯織手膾紅鮮因謝陸內史尊羹何足傳

送楚十少府

常建

微風吹霜氣寒影明前除落日未能別蕭蕭林木虛
愁烟闕千里仙尉其何如因送別鶴操贈之雙鯉魚
鯉魚在金盤別鶴哀有餘心事則如此請君開素書

塞上曲

翩翩雲中使來問太原卒百戰苦不歸刀頭怨明月
塞雲隨陣落寒日傍城沒城下有窻妻哀哀哭枯骨

送陸擢

聖代多才俊陸生何考槃南山高松樹不合空摧殘
九月湖上別北風秋雨寒殷勤歎孤鳳早食金琅玕

擬古

韋應物

辭君遠行邁，飲此長恨端。
已謂道里遠，如何中嶮艱。
流水赴大壑，孤雲還暮山。
無情尚有歸行子，何獨難
驅車背鄉國。朔風卷行跡，嚴冬霜斷肌。
日入不遑息，憂懽客髮變。
一作容髮改寒暑人事易，中心君詎知。
冰玉徒貞白。

其二

春至林木變，洞房夕含清。
單居誰能裁，好鳥對我鳴。
良人久燕趙，新愛移平生。
別時雙鴛綺，留此千恨情。
碧草生舊跡，綠琴歇芳聲。
思將魂夢懽，反側寐不成。

攬衣迷所次，起望空前庭。
孤影中自惻，不知雙涕零。
其三

有客天一方，寄我孤桐琴。
迢迢萬里隔，託此傳幽音。
冰霜中自結，龍鳳相與吟。
絃以明一作昂直道，漆以固
交深。

留別洛京親友

握手出都門，駕言適京師。
豈不懷舊廬，惆悵與子辭。
麗日坐高閣，清觴讌一作晏華池。
昨遊倏已過，一作後遇良未知。
念結路方永，歲陰野無暉。
單車我當前，暮雪子獨歸。
臨流一相望，零淚忽霑衣。

西郊燕集

濟濟衆君子高燕及時光
群山靄遐矚綠野布熙陽
列坐遵曲岸披襟襲蘭芳
野庖薦嘉魚激澗泛羽觴
衆鳥鳴茂林綠草延高岡
盛時易徂謝浩思坐飄颺
眷言同心友茲游安可忘

登西南岡卜居遇雨尋竹浪至澧壩縈帶數里清流茂樹雲物可賞

登高創危構林表見川流微
雨颯已至蕭條川氣秋
下尋密竹盡忽曠沙際遊
紆直水分野綿延稼盈疇
寒花明廢墟樵牧笑榛丘
雲水成陰澹竹樹更清幽

適自戀佳賞復茲永日留

夏夜憶盧嵩

靄靄高館暮開軒滌煩襟
不知湘雨來瀟灑在幽林
炎月得涼夜芳罇誰與斟
故人南北居累月間徽音
人生無閑日懽會當在今
反側候天旦層城苦沉沉

幽居

貴賤雖異出門皆有營
獨無外物牽遂此幽居情
微雨夜來過不知春草生
青山忽已曙鳥雀繞舍鳴
時與道人偶或隨樵者行
自當安蹇劣誰謂薄世榮

寄子西

夏景已難度懷賢思方續喬樹落踈陰微風散煩燠
傷離枉芳札忻遂見心曲藍上舍已成田家雨新足
託隣素多欲殘秩猶見東日夕上高齋但望東原綠

善福精舍示諸生

湛湛嘉樹陰清露夜影沉悄然群物寂高閣似陰岑
方以玄嘿處豈為名跡侵法妙不知歸獨此抱冲襟
齋舍無餘物陶器與單衾諸生時列坐共愛風滿林

酬盧嵩秋夜見寄

喬木生夜涼月華滿前墀去君咫尺地勞君千里思
素秉棲遁志况貽招隱詩坐見林木榮願赴滄洲期

何能待歲晏携手當此時

與友生野飲効陶體

携酒花林下前有千載墳於行不共酌奈此泉下人
始自玩芳物行當念徂春聊舒遠世蹤坐望還山雲
且遂一歡笑焉知賤與貧

効陶彭澤

霜露落一作悴百草時菊獨妍華物性有如此寒暑其
奈何掇英泛濁醪日入會一田家盡醉茅簷下一生豈
在多

與韓庫部會王祠當日宅作

閑門蔭堤柳秋渠含夕清微風送荷氣坐客散塵纓
守嘿共無恡抱冲俱窻營良時頗高會琴醞共開情

春日郊居寄萬年吉少府中孚三原元少府

偉夏侯校書審

谷鳥時一轉田園春雨餘光風動林早高窻照日初
獨飲澗中水吟詠老氏書城闕應多事誰憶此閑居

秋夜南官寄澧上二弟及諸生

暝色起烟閣沉抱積離憂况兹風雨夜蕭條梧葉秋
空宇感涼至頽頽驚歲周日夕遊闕下山水憶同遊

寄全椒山中道士

今朝郡齋冷忽念山中客澗底束荆薪歸來煮白石
欲持一杯博一作酒遠慰風雨夕落葉滿空山何處尋
行跡

神靜師院

青苔幽巷徧一作遍一作新林露氣微經聲在深竹高齋獨
掩扉憇樹愛嵐嶺聽禽悅朝暉方耽靜中趣自與塵
世違

淮上即事寄廣陵親友

前舟已渺渺欲渡誰相待秋山起暮鐘楚雨連滄海
風波離思滿宿昔容鬢改獨鳥下東南廣陵何處在

長安遇馮著

客從東方來衣上灞陵雨問客何為來采山因買斧
冥冥花正開颺颺燕新乳昨別今已春鬢絲生幾縷

逢楊開府

少事武皇帝無賴恃恩私身作里中橫家藏亡命兒
朝持檇蒲局暮竊東隣姬司隸不敢捕立在白玉墀
驪山風雪夜長楊羽獵時一字都不識飲酒肆頑癡
武皇昇仙去憔悴被人欺讀書事已晚把筆學題詩
兩府始收跡南宮繆見推非才果不容出守撫婢嫠
忽逢楊開府論舊涕俱垂坐客何由識惟有故人知

相逢行

二十登漢朝英聲邁今古適從東方來又欲謁明主
猶酣新豐酒尚帶灞陵雨邂逅兩相逢別來問寒暑
寧知白日晚斲向花間語忽聞長樂鐘走馬東西去

田家

柳子厚

籬落隔烟火農談四隣夕庭際秋蟲鳴踈麻方寂歷
蠶絲盡輸稅機杼空倚壁里胥夜經過雞黍事慈席
各言官長峻文字多督責東鄉後租期車轂陷泥澤
公門少推恕鞭朴恣狼籍努力慎經營肌膚真可惜
迎新在此歲唯恐踵前跡古道饒疾藜縈迴古城曲

蓼花被堤岸陂水寒更綠是時收穫竟落日多樵牧
風高榆柳踈霜重梨棗熟行人迷去住野鳥競棲宿
田翁笑相念昏黑慎原陸今年幸少豐無厭餽與粥
覺衰
夕知老會至不謂便見侵今年宜未衰稍已來相尋
齒踈髮就漣奔走力不任咄此可柰何未必傷我心
彭聃安在哉周孔亦已沉古稱壽聖人曾不留至今
但願得美酒朋友常共斟是時春向暮桃李生繁陰
日照大正綠杳杳歸鴻吟出門呼所親扶杖登西林
高歌足自快商頌有遺音

初秋夜坐贈吳武陵

稍稍雨侵竹翻翻鵲驚聚美人隔湘浦一夕生秋風
積霧香難極滄波浩無窮相思豈云遠即席莫與同
若人抱竒音朱絃絀枯桐清商激西顛泛灩凌長空
自得本無作天成諒非功希聲閔大樸聾俗何由聰

秋曉行南谷經荒村

杪秋霜露重晨起行幽谷黃葉覆雞橋荒村唯古木
寒花踈寂歷幽泉微斷續機心夕已忘何事驚麋鹿

谿居

夕為簪組累幸此南夷謫閑依農圃隣偶似山林客

曉耕翻露草夜傍響雞石來往不逢人長歌楚天碧

重選唐音大成卷之二終

重選唐音大成卷之三

宜興邵天和節夫編校

正音二

七言古詩

送友人歸山歌

王摩詰

山寂寂兮無人又蒼蒼兮多木群龍兮滿朝君何為
兮空谷文憲和兮思深一作道難知兮行獨悅石上
兮流泉與松間兮草屋入雲中兮養雞上山頭兮抱
犢神與素兮如瓜虎賣杏兮收穀愧不才兮妨賢慙
既老兮貪祿誓解印兮相從何詹尹兮可卜